

ԵՊՀ Եվրոպական լեզուների և հաղորդակցության ֆակուլտետի գիտական խորհրդի՝ 11.02.2025թ. կայացած նիստի թիվ 10 արձանագրություն

ՕՐԱԿԱՐԳ

1. Եվրոպական լեզուների և հաղորդակցության ֆակուլտետի անգլիական բանասիրության և թարգմանության տեսության և պրակտիկայի ամբիոնների վարիչների պաշտոնների տեղակալման նպատակով մրցութային ընտրության անցկացում:

2. Ընթացիկ հարցեր:

Եվրոպական լեզուների և հաղորդակցության ֆակուլտետի գիտական խորհրդի կազմի 36 անդամներից նիստին ներկա էին 33-ը:

Դեկան Գ. Բարսեղյանը, ողջունելով գործընկերներին, անգլիական բանասիրության և թարգմանության տեսության և պրակտիկայի ամբիոնների վարիչների պաշտոնների տեղակալման նպատակով մրցութային ընտրության անցկացման համար առաջարկեց ընտրել հաշվիչ հանձնաժողովի կազմ: Նախագահ ընտրվեց Աննա Խաչատրյանը, անդամներ՝ Մանանա Դալայանը և Կարինե Քամալյանը:

ԼՄԵՑԻՆ՝

Անգլիական բանասիրության ամբիոնի պրոֆեսոր, ք.գ.դ. **Աննա Տարիելի Կնյազյանի՝** նույն ամբիոնի վարիչի պաշտոնում ընտրվելու հարցը:

ԱՐՏԱՀԱՅՏՎԵՑԻՆ՝

Աննա Կնյազյանը, հանգամանորեն ներկայացնելով անգլիական բանասիրության ամբիոնի ղեկավարման հայեցակարգը, նշեց նաև, որ ամբիոնի գիտակրթական գործունեությունն իրապես արդյունավետ է եղել ամբիոնի գործող վարիչ, պրոֆեսոր, ք.գ.դ. Սեդա Քերոբի Գասպարյանի բազմաժամանակյա ղեկավարման շրջանակում:

Ա. Կնյազյանը նշեց, որ իր գործունեության առանցքում կլինի հետևյալ աշխատանքների իրականացումը՝ կրթագիտական արդյունավետ գործունեության շարունակականության ապահովում, երիտասարդ կադրերի ներգրավում ուսումնական գործընթացում: Որակյալ և ուսանողակենտրոն կրթության համատեքստում կշարունակվեն կարևորվել ուսանողների կրթական կարիքներն ու պահանջները: Կշեշտադրվեն դասավանդման մեթոդաբանության արդիականացման ուղղությամբ կատարվող աշխատանքները:

ՈՐՈՇԵՑԻՆ՝

Փակ, գաղտնի քվեարկության կողմ՝ 33, դեմ՝ 0, անվավեր՝ 0 արդյունքների հիման վրա միջնորդել ԵՊՀ գիտական խորհրդին՝ հաստատելու եվրոպական լեզուների և հաղորդակցության ֆակուլտետի գիտական խորհրդի որոշումը **Աննա Տարիելի Կնյազյանին** անգլիական բանասիրության ամբիոնի վարիչի պաշտոնը զբաղեցնելու վերաբերյալ:

ԼՄԵՑԻՆ՝

Թարգմանության տեսության և պրակտիկայի ամբիոնի դոցենտ, Բ.Գ.Թ. **Ռուզան Ռաֆայելի Ղազարյանի**՝ նույն ամբիոնի վարիչի պաշտոնում վերընտրվելու հարցը:

ԱՐՏԱՀԱՅՏՎԵՑԻՆ՝

Ռուզան Ղազարյանը ներկայացրեց ամբիոնի ղեկավարման ծրագիրը՝ մատնանշելով զարգացման հայեցակարգի հիմնական ուղղությունները: Ռ. Ղազարյանը նշեց, որ ամբիոնի գործունեությունն ընդգրկում է թարգմանության ակադեմիական ուսուցման համատեքստը, և այս շրջանակում կարևորում է դիմորդների մասնագիտական կողմնորոշմանն ուղղված աշխատանքների շարունակականության, ինչպես նաև որակյալ մասնագիտական կրթության ապահովումը: Ամբիոնի կրթական ծրագրերը արդիականացվում են աշխատաշուկայի պահանջներին համապատասխան: Նշվեց, որ ամբիոնի գիտակրթական գործունեության համատեքստում մեծ նշանակություն ունի ուսանողակենտրոն կրթության իրականացումը:

ՈՐՈՇԵՑԻՆ՝

Փակ, գաղտնի քվեարկության կողմ՝ 29, դեմ՝ 4, անվավեր՝ 0 արդյունքների հիման վրա միջնորդել ԵՊՀ գիտական խորհրդին՝ հաստատելու եվրոպական լեզուների և հաղորդակցության ֆակուլտետի գիտական խորհրդի որոշումը **Ռուզան Ռաֆայելի Ղազարյանին** թարգմանության տեսության և պրակտիկայի ամբիոնի վարիչի պաշտոնը զբաղեցնելու վերաբերյալ:

Ընթացիկ հարցեր.

ԼՄԵՑԻՆ՝

Արտասահմանյան գրականության ամբիոնի հայցորդ Մարիաննա Մամվելի Եփրեմյանի թեկնածուական ատենախոսության թեմայի և գիտական ղեկավարի հաստատման հարցը (Ժ. 01.07 Արտասահմանյան գրականություն մասնագիտություն): Նշվեց թեմայի արդիականությունն ու ակադեմիական շրջանակում նշյալ հետազոտության կարևորությունը:

ՈՐՈՇԵՑԻՆ՝

Հաստատել արտասահմանյան գրականության ամբիոնի հայցորդ Մարիաննա Սամվելի Եփրեմյանի թեկնածուական ատենախոսության թեման՝ «Էդուարդո Մենդոսայի ստեղծագործության հիմնական միտումները» (Ժ.01.07. Արտասահմանյան գրականություն մասնագիտություն) և գիտական ղեկավար հաստատել Բ.Գ.Թ., դոցենտ Նատալիյա Կարենի Գոնչար-Խանջյանին: Որոշումն ընդունվեց միաձայն:

ԼՄԵՑԻՆ՝

Անգլիական բանասիրության ամբիոնի հայցորդ Նելլի Արմենի Այվազյանի թեկնածուական ատենախոսության թեմայի գիտական ղեկավարի հաստատման հարցը (Ժ. 02.07 Ռոմանագերմանական լեզուներ մասնագիտություն): Նշվեց, որ թեման իրապես արդիական է՝ նկատի առնելով ֆրանսերեն և անգլերեն քաղաքական խոսքի զուգադիր քննության հանգամանքը:

ՈՐՈՇԵՑԻՆ՝

Հաստատել Ն. Այվազյանի՝ «Քաղաքական դիսկուրսը փաստերի և հույզերի փոխհատման տիրույթում (ֆրանսերեն և անգլերեն քաղաքական խոսքի զուգադիր քննության հիման վրա)» թեկնածուական ատենախոսության թեման (Ժ. 02.07 Ռոմանագերմանական լեզուներ մասնագիտություն) և գիտական ղեկավար նշանակել Բ.Գ.Դ., պրոֆեսոր Ս. Ք. Գասպարյանին: Որոշումն ընդունվեց միաձայն:

ԵԼՀ ֆակուլտետի ղեկան և
գիտխորհրդի նախագահ,
Բ.Գ.Թ., դոցենտ՝

Գ. Ռ. Բարսեղյան

Գիտխորհրդի քարտուղար, Բ.Գ.Թ., դոցենտ՝

Մ. Գ. Դալայան

11.02.2025 թ.